





姓韻卷七十二

武威張



十卦

祭 見說文姓源韻謹杜預左注廣韻

按周昭王時有祭公微穆王時有祭公祈父祭公謀父隱元  
年冬十有二月祭伯來桓八年祭公來遂迎王后於紀莊二  
十三年祭叔來聘穀梁范注祭叔天子寢內諸侯杜注及徐  
邈皆謂祭叔為祭公後正義云祭叔是祭公弟

後漢書光武時潁川祭遵字弟孫在軍中雅歌投壺圖像雲



臺元午酒泉太守弟彤字次孫有勇力能貫三百斤弓由襄  
賁令拜遼東太守官太僕彤遵之從弟也彤子參遼東太守  
坐沮敗下獄誅彤子逢上書陳彤遺言按崔實政論云永平  
建初之際去戰未久官兵勁利有祭太僕之弩擅名天下即  
謂彤也

釋隸漢碑有議曹掾順陽祭造字始平

統謚祭節藍水人洪武間舉俊才授衡府紀善祭宗順保昌  
人嘉靖間官蒲城縣丞

元史湖廣苗蠻祭伯秧寇李佗寨

祭公氏見路史

國語有祭公謀父誦和招之詩以諫

介 見姓苑路史

路史桀臣介之闕

左僖二十四年傳介之推不言祿祿亦弗及遂隱而死晉侯  
以繇上為之田杜注介推文公微臣按說苑介子推行年十  
五而相荆孔子聞之使人往視按此為公子荆事劉向說誤  
漢穀阮碑陰郡吏有介演仲瑤介冲景升介覽孔紀

吳志注吳有方士介象字元則權欲食鰮魚于殿廷作坎汲



水滿之象起餌之得鯙魚須臾取蜀薑

搜神記有吳人介琰能馴虎

晉書鬱林太守介登役使所監求召還為司隸校尉石鑿奏  
東魏李甲早造像碑陰有邑子介叔姑

敬使君碑有都督介歡

伽藍記租場里內有濟州刺史介宣宅

統謚介壽湖廣人洪武中德慶州知州

題名錄介一清字子澄解州人嘉靖丙辰進士官知府介松

年山西解州籍陝西商南縣人崇禎辛未進士官知府介璿康熙

甲辰進士官孝瑞康熙戊辰進士官孝璠康熙庚辰進士官

錫周康熙辛丑進士官玉潮乾隆壬戌進士官均解州人

介山氏見姓苑

按大戴礼將軍文子篇介山子推之行史記弟子傳作介山  
列仙傳介之推姓王名光晉人隱而無名悅趙成子與游旦  
有黃雀在門上晉公子重耳異之與出居外十餘年勞苦不  
辭及還介山伯子常晨來呼推曰可去矣是不以介山為姓  
也

介斟氏見杜預左注



界 此姓諸書無今補

陝西志界讓蓋屋人明貢生官副使

蒯 見風俗通

鍾鼎款識周蒯仲敦銘曰蒯仲莫父作尊敦

風俗通晉大夫蒯得又衛有蒯曠見左傳按先克奪蒯得田于葦陰蒯得與先都等作亂見文八年衛之蒯曠係公子非姓蒯若趙之蒯曠以劍術鳴者乃姓司馬見司馬遷傳應說誤

史記漢有蒯徹即蒯通范陽人著書名雋永

蒯氏謚後漢有蒯良字子柔善相馬弟越字叔異為劉表謀士深中足智後歸曹操官光祿勳生宗蘭陵丞宗生恩恩字道恩封新寧男子國才國才子慧度無子國除按恩蘭陵人為龍驤將軍至關中為佛佛執之死于虜見宋書

晉書劉弘參軍蒯恒為義軍都護有戰功弘奏以為山都令又蒯欽官弘訓少府屢以正言犯楊駿人為之懼欽曰楊文長雖闇猶知人無罪不可殺不過疏我我得疏乃可以免不然與俱族矣

宋書馬文恭之敗隊主蒯應沒于魏魏主遣應至小市門求



酒及甘蔗逐陵王駿昇之

神仙傳南宮威逍遙適同邑蒯潯

唐書樂志阮咸秦琵琶也項長過于今制列十有三柱逐后

時蜀人蒯朗于古墓中得之

南唐書蒯亮官司馬凡百餘戰身被重瘡

氏族畧宋蒯鰲蒯諤宣州人登科按馬令南唐書顏詡魯公

之後所居山林泉石築亭榭碧鮮叢繞翠微環列殿中丞蒯

鰲等各為詩序述其幽隱是乃唐末人

氏姓謚蒯全壽州人洪熙中刑部主事蒯裕安豐人宣德中

任常州通判蒯諫萬麻進士宣夏人

玠 姓苑玠人姓

蕢 辯證蕢音快

檀弓魯人蕢尚画宮于道受哀公吊曾子謂不如杞梁之妻

知礼

辯證唐白鶴觀道士蕢雲陶音蒯

統謚明蕢端蔚州人成化間任汀州巡檢

快 見姓苑路史

噲 見集韻噲音快



國策權之難燕再戰不勝趙噲子謂文公曰不如以地請合於齊

孝子傳噲參以藥補傷鵠鵠銜珠與之按搜神記噲參寓居河內養母至孝曾有子鶴為戎人所射窮而歸參參收養療治瘡愈放之後鶴夜到門外參秉燭視鶴雄雌雙至各銜明月珠報參亦見述異記

璿

姓璿璿音快一作璿亦見路史

拜

姓苑拜人姓

氏族畧宋有拜珣字文昭渭南人舉茂才歷官奉議大夫

氏姓誼元拜都順慶人受業于馮伯樂舉進士官四川都轉運使拜降慶元路治中歲饑請粟活民拜泰吉古官左丞逃入終南山

湖廣志拜完建水人嘉靖中醴陵縣教諭

浙江志拜兀臨安人嘉靖時舉人

甘肅志拜延河西人襲父火奪都千戶職宋師侵成都四川僉省嚴志範遣拜延迎擊大破之又從攻嘉定瀘敘重慶數有戰功總帥汪田哥用兵忠州拜延將兵涪州策應宋人以舟師邀于青江拜延領兵馳赴禽其部將十七人瀘州復判



拜延趨瀘州敗其將遂克之行院副使卜花進兵圍重慶遣  
拜延將兵降之制授宣武將軍蒙古漢軍總管  
縉紳錄嘉慶時閩鄉縣郭村把總拜定邦河南人  
賣 姓苑賣人姓

畫 氏姓謚賣廷傑羅城人嘉靖中任福建建寧縣丞  
姓苑畫人姓

敗 氏姓謚畫芳膠州人正德中任宜黃縣知縣  
按此非姓宜刪

氏族畧後晉守澤潞州將敗崇美按遼史太宗紀則耿崇美

邁 為昭義軍節度使夾潞以耿為敗訛甚

氏姓謚邁文麟慈利人正統中任江西參議

甌 此姓諸書無今補

漢泰山都尉孔宙碑有故吏北海都昌甌章字文理  
童子逢盛碑有督郵甌敬賓甌后升

怪

元命包胥帝臣怪義生白阜

戒 姓苑戒人姓



戴 見風俗通姓纂廣韻

風俗通宋有戴惡不勝盈之按不勝字盈之非二人按昭八年傳楚公子棄疾帥師奉孫吳圍陳宋戴惡會之

韓詩外傳戴晉生敝衣冠而見梁王嘆梁王之不足與游按即莊子戴晉人也云道堯舜于戴晉人之前譬猶一决也

功臣表臺定侯戴野以舍人從起碭用隊率入漢以都尉擊籍籍屯擊臨江屬將軍賈功侯

漢書信都太傅戴德字延君九江太守戴聖字次君傳凡所

謂大小戴記也

漢書戴封為西平令時旱禱祀無應封積薪坐其上以自焚火起而雨降戴憑字次仲即解經不窮戴時侍中也

獨行傳戴就字景成上虞人仕郡倉掾揚州刺史歐陽參奏太守成公浮臧罪遣部從事薛安收就于錢塘縣獄燒銀斧使就挾之卒不撓

漢書戴良字叔鸞慎陽人曾祖父遵字子高平帝時為侍御史王莽篡位稱病歸里家富好給施尚俠氣時人為之語曰關中大豪戴子高良少誕節母喜驢鳴良嘗學之議論尚奇



多駭俗流辟召不就遁江夏山中按光武與戴子高有撫塵  
之好見應璩與曹公牋

濟北先賢傳戴宏字元襄剛縣人年三十二為郡都郵曾以  
職事見詰府君欲撻之宏曰今鄙郡遭明府咸以為仲尼之  
君國小人少以宏為顏子豈聞仲尼有撻顏回之義府君異  
其對即日署主簿按吳祐傳宏仕至酒泉太守

張湛傳大司徒戴涉按注涉字叔平冀州清河人坐所舉人  
盜金下獄

載一見風俗通

荀子解蔽篇唐鞅蔽于欲權而逐載子楊倮注載讀曰戴戴  
不勝使薛居州傳王者

濟北先賢傳有載祈與汜昭等為濟北五龍

氏族畧漢有載戴

五代史吳光州將王言殺刺史載肇吳王遣楚州團練使李  
厚討之

氏族畧宋太平興國登科有載永

四川通志明時指揮載鼎脩巴縣城

江南志載君用吳邑人父福洪武中因監稅失火法當死君



用代父刑于閭門其妻吳氏守節旌表

明史陳壽傳正德初劉瑾矯詔逮南京科道載銑等壽抗章

論救按一作戴銑

能 見粵陽國志姓苑並能氏狀按能奴代反

呂氏春秋能意見齊宣王宣王曰寡人聞子好直有之乎對  
曰意惡能直意聞好直之士家不處亂國身不見汙君身今  
得見王而家宅乎齊意母能直宣王怒曰野士也將罪之能  
意曰臣少而好事長而行之王胡不能與野士乎將以彰其  
所好也王乃舍之能意者使謹乎論于主之前亦必不阿主

劉寬碑陰門生名有敬陵令豫章南昌能缺濟公

按唐有司勳員外能李武京兆尹能延壽又唐碑孟德監護

喪墓京兆少尹能延休鄠縣人

安祿山傳能元皓拔于行間安慶緒以為北海節度使按能  
元皓以淄青降以元皓為鴻臚卿充河北招討使又為齊州  
刺史濟兗鄆節度使也見李自良傳皓生昱昱為太僕少卿  
唐書孝友傳能君德鄭縣人

氏族畧宋紹興進士能勝之南城人能將撫州人能迪建州  
人登科醫官能日宣



畫繼能仁甫以字行本画院出身官至縣令長于佛像山水  
世多觀音

統謚明能以文汝州人任崇德縣丞能昭馬平人永樂舉人  
能慶南寧人正德中任始興縣知縣能照增城人任盧龍縣  
主簿

明史翁正春傳奏云大西洋歸化之龐迪我熊三拔等有推  
彼國麻法測驗推步足備采用按此西洋有熊姓也

佻 氏族畧佻音奴代切

印藪漢有佻母傷

山公集晉有佻湛

氏姓謚佻隆潞州人永樂中任永豐縣丞佻兀亦潞州人永

樂中任廣信衛千戶佻文巫山人弘治貢生任訓導佻俊興  
化人正德中任廣東都司佻縉嘉靖中廣東都指揮佻祺雲  
南臨安籍直隸定遠人萬曆乙未進士歷任廣西巡按御史  
奪 此姓諸書無今

按周聖母四面像碑有北面上堪像主奪思暢疑即佻字

代 見國策

戰國策趙人代舉立見史記



隸釋北部勸農掾陰代靖公密

蜀郡國<sup>屬</sup>辛通達李仲曾造橋碑有荷吏代誦

辯證漢有京兆尹代莖

蜀錄趙廡使代茂攻常滕茂告之而去

宋史代淵字仲顏亦字蘊之導江人事親孝舉進士擢清水主簿淵以祿不及親歸家教授累薦不起著周易旨要自號

虛二子自擇丙申死

氏族畧代象康定三年以贊善大夫知象州

統謚代賢崖州人正統中任甌寧縣丞代陞山後入萬麻間

任西安衛指揮

內  
姓苑內如對切

姓苑漢有謀士內宜之按亦見集古印謚

印藪漢有內利唯

內史氏見風俗通

風俗通周內史過內史叔興內史叔服善相人按左莊三十二年傳有神降于莘王問諸過僖十一年王使召孟公及過賜晉侯命僖十六年隕石于宋五六鷁退飛過宋都叔興聘于宋襄公問焉文元焉王使內史叔服會葬



史記秦有內史騰攻韓得韓王安按通鑑作內史勝胡注內史官也其說非蓋以官為氏者

愛 見姓苑

李德裕文回鶻內宰相愛加勿賜姓李名加順授為歸義軍副使按舊唐書武宗紀作受耶勿

甘肅志愛薛西域佛菽人通西域諸部語工星麻醫藥定宗世祖時皆直言敢諫按亦見金史

姓謹愛莫助廣西融縣舉人正德時歷永昌府通判

呆 按章丘縣志邑有呆姓此姓諸書無今補

對 見姓苑

按菽文類聚載蔡邕答對元式詩明人刻于郎集脫對字急就章有對若芳

千姓編仙人有對君名綱

貸 此姓諸書無今補

帝王世紀成湯時有貸子相

賽 姓苑賽人姓

成都志賽璿以父清注從征金川陣亡蔭把總

四川通志賽璿雲南舉人任珙縣知縣按璿已酉科舉人年



百歲重赴鹿鳴宴特賜進士見簷曝雜記

池北偶談文登人賽從儉卜地墓親于黃山南有鄰某者陰圖其地夜遺地主金老嫗赴塋忽迷失道有二童子執炬前曰嫗欲往賽氏塋乎吾為嫗導中途謂曰此地誠善但汝家不能有賽氏富世科第天啟之也言已忽不見嫗乃在海港中及覓路至塋所則既葬矣嫗悔述其故從儉曰汝言果不妄吾子孫有仕宦者即以十金為贈書其言于券末後從儉知三河縣子孫多仕郡縣皆不負約康熙丙午元旦五更時近村人遙見塋前有二炬遠行曾孫玉紘以是秋舉鄉試明

年登第己酉元旦復然玉紘子璋以是秋舉鄉試明年登第

刈

見姓苑

氏族畧五代有刈懷

瓊

辯證瓊人姓也

退

見姓苑

背

見姓苑

佩

見姓苑

却

見路史

邴

見路史



甫 見路史

李 見姓苑辯證路史

甘肅志李敏隴西人宣德舉人任嘉定州學正升四川僉事  
甘肅志又云李敏通渭人正統進士官學士按與官僉事者  
同名非一人也

湖北志李應魁安陸人弘治中任州判官

樂 見姓苑

秦州志樂仁壽景泰中秦州舉人

哮 此姓諸書無今補

魏書曾傳哮拜反遂煽諸部為亂拜西部人也嘉靖中得罪  
其部長父兄皆見殺拜跳脫來降驍勇屢立戰功前督撫王  
崇古石茂華先後奏加副總兵遂多畜亡命子承恩拜夢妖  
物入妻施脇而生狼形鼻啼性狠戾拜老承恩襲父爵十九  
年洮河告警御史周加禱舉承恩及指揮土文秀拜義子哮  
雲等巡撫黨馨檄文秀西援拜謁經畧鄭洛願與子承恩從  
出師馨惡其自薦抑損之拜以故心怨至金城見諸鎮兵皆  
出其下叱賊退取道塞外還寇騎遇之皆辟易遂有輕中外  
心馨數裁拜且按承恩罪筭之二十雲文秀亦以他故怨馨



會戎卒請衣糧久弗給拜遂噉軍鋒劉東陽許朝作亂  
昧谷氏此姓諸書無今補

舊唐書張孝忠傳李寶臣以孝忠謹重驍勇甚委信之以妻  
妹昧谷氏妻焉後子茂宗尚主孝忠遣其妻鄧國夫人昧谷  
氏入朝執親迎之凡上嘉之賞賚甚厚

十二震

信 見風俗通

史記趙有信期秦將信梁按國策肥義謂信期田公子與田  
不凡堪可憂也信梁見史記

歸田詩話信雲父山東人元兵南下為張宏範元帥館客文  
山被獲宏範命雲父款待之日侍譚論頗有向南之意贈文  
山詩曰宗廟有靈賢相出黔黎無患太皇明

氏姓謚元信世昌字雲甫號中隱山水學沈士元有出藍之  
譽墨竹別成一家按圖繪寶鑑云蓋黃筍之後又一變者也  
千姓編信時表邑人洪武中任遼州判官信立當塗人洪熙  
中官陝縣學訓導

甘肅志信順固原人永樂舉人

陝西志信彪深澤人康熙五十二年任西安州游擊



澍宰屏山有縣民信占元

信都氏見風俗通路史

漢高陽令楊著碑陰有博陵信都晏和

後魏書信都芳字玉琳河間人善天文明算術有巧思以術  
干齊神武授參軍丞相倉曹有刪注樂書九卷器準三卷撰  
靈憲麻算樂書遁甲經四術周髀月頻大頻小食必以朔證  
據甄明每云何承天亦為此法不能精靈憲若成必當百代  
無異議書未就而卒按北齊書大畧相同

陳書侯景遣兵與太守信都遵收文皇帝舊及衡陽獻王出

都

唐書李納遣其將王溫會魏博將信都崇慶共攻徐州官軍  
伏兵發橫擊之崇慶等兵中斷狼狽而返又朱滔遣魏博兵  
馬使信都崇慶將兵助李納按鄧名世作承慶誤

冥報拾遺相州滏陽縣人信都元方少有操尚尤好釋典年  
二十九至顯慶五年春正月死死後月餘其兄法觀寺僧道  
傑思道悼不已將一巫者至家遣求元方與語道傑頗解法  
術乃作一符攝得元方令巫者問其令委元方作書一紙與  
同學馮行基具述平生之意並詩二首及其家中亦留書啟



文理順序言詞悽惋大抵勸修功德及遺念佛寫經以為殺生罪之大者無過于此且云受冥官處分于石州李仁師家為男願兄就彼相看言訖涕泣而別

十國春秋信都鎬信都芳之後也少以著作自負當太祖入廣陵功臣三十九人而同時佐將吏實五十人焉鎬錄其名氏功績為泚上英雄小錄二卷

信平氏見姓苑

信成氏諸書無此姓今補

漢陽震碑陰有信成君巖

脩 見風俗通廣韻

慎 見氏族畧

孟子魯有將軍慎子名滑釐

史記慎到趙人學黃老道德之術著十二論徐廣曰今慎子劉向所定有四十一篇按漢藝文志韓大夫慎到趙人務刑名之學著書四十二篇先申韓申韓引之

楚策楚襄王為太子時質于齊懷王薨太子辭于齊王而歸齊王隘之予我東地五百里乃歸子子不予我不得我歸太子曰臣有傳請退而問傳傳慎子曰獻之地所以為身也愛



地不送死父不義臣故曰獻之使

漢書文帝慎夫人却鞞人衣不曳地

氏族畧晉有慎脩東陽太守

郭璞周易洞林揚州從事慎伯曜婦病困經日發作有時如

聞物往來者其兄周彥遂令吾作卦得蹇

雲谿友議慎氏北陵虔亭儒家之女三史嚴灌夫結婚載歸

蘄春無嗣息乃拾其過出之慎氏慨然登舟親戚相送慎為

詩以訣灌夫覽之悽感遂夫婦如初詩曰當時心事已相關

雨散雲收一餉間便是孤帆從此去不堪重上望夫山

東觀餘論政和六年于山陽從慎漢公借覽相鶴經漢公甫

八歲真靖陳尊師已稱其喜學鍾王遺法以神童目之漢公

學行高士林間又博貫藻經壺史多與方外士游不特其書

可賞也

吳越備史慎溫其信安人有詞學官元帥府判官子知胤年

十八獻書署校書郎至道三年以工部侍郎致仕自幼至白

首歲讀五經周而復止子從吉字慶之為吳越錢俶之婿景

德初判刑部畱心法律工醫術善為饌具晚年進趨以至於

敗士論鄙之子鏞金部度支員外郎錯太常博士按程昭悅



收錢仁俊使故吏慎溫其證仁俊之罪拷掠備至溫其堅守  
不屈如佐善之擢為國官溫其衢州人

類苑慎伯筠字東美西安人工詩貢至京師見棘圍嚴甚曰  
此非所以待天下士也拂衣歸韓琦與林和靖同薦入京遇  
鑿紆道人傾蓋如舊自是不飲食伯筠秋夜待月于錢塘江  
沙上露坐設大酒尊置一盃對月獨飲意象傲逸吟嘯自若  
顧子敦適過之亦懷一盃就其尊對酌伯筠不問子敦亦不  
與語酒盡各散去

氏族畧慎越康定初知建昌軍治尚大體明而不苟

氏族畧慎從吉官太子詹事給事中權知開封府嘉為詩又  
有慎鏞慎錡祥符登科

四川志慎宣大足人成化舉人

明藝文志慎蒙歸安人嘉靖癸丑進士官御史著有名山一  
覽記十五卷

氏族謚慎懋官金陵人按懋官嘗校刻抱朴子作花木考  
題名錄慎學韓湖州府歸化縣人乾隆辛丑進士

慎清氏諸書無此姓今補

新序魯有慎氏讀奢侈驕佚孔子為司寇踰境而徙



蘭 見廣韻

莊子莊周反入三月不庭蘭且從而問之夫子何為頃間甚不庭乎

氏族畧韓厥元孫曰康康裔孫相如為趙上卿子孫仕秦隨司馬錯伐蜀因家成都按姓纂魏末自蜀歸關中因居鄭縣裔孫惟晉太山太守維八世孫衡子仁志殿中監生嗣忠戶部員外驂左丞候大將軍唐書作右丞候也

按漢書馮后母蘭氏又王莽中郎將蘭包莽遣包與副校尉戴級馳之雲中塞下招誘呼韓邪諸子拜當為單于莽封包

為宣威公

唐書梁師都寇靈川驃騎將軍蘭興衆擊破之

唐書突厥沒賀咄設陷并州一縣代州都督蘭暮擊破之又

按太宗詔右丞候大將軍蘭暮討馮盎

唐書狄仁傑為并州法曹同僚鄭崇質當使絕域母老且病仁傑詣長史蘭仁基請代之行仁基素與司馬李孝廉不叶因相謂曰吾輩豈不自愧乎遂相睦

氏族畧宋有蘭中謹開封人登科又蘭中行永靜人

氏族謚蘭敏脩龍游人博通羣書紹興中進士官至朝奉著



論語解詩解號中山先生

印 見姓纂

按成十三年傳鄭公子班殺子印杜注子印穆公子宣十四年傳使子張代子良于楚子張穆公孫即公孫黑肱也襄二十二年傳公孫黑肱有疾歸邑于公召室老宗人立印段杜注段子石黑肱子昭十六年傳子柳莖穉兮杜注子柳印段之子印葵也襄二十六年傳印革父與皇頡成成麋楚人囚之獻于秦鄭人取貨于印氏以請之從子產之辭而後獲之按晉蘭亭脩禊有印丘髦賦詩不成官行參軍

辯證南唐有印彖曾獻詩于徐鉉

通州志印應雷嘉熙戊戌進士知和州時北兵闖廬和間制置丘岳遣其出戍應雷卒保和州温州卒作亂以應雷知温州詔以處娶兵從之討賊應雷辭止攜一僕赴任口不言賊乃設酒高燕縱賊來觀時縛其首斬之餘黨悉散詔為軍器監淮西總領財賍兼江東轉運通判又直徽猷閣知江山節制蘄黃興國三郡又為兩淮安撫制置使知揚州以有功進一秩為兵部侍郎兵馬都總管靜海縣開國伯贈端明殿學士應雷聰明英爽每視事目光如炬左右莫敢仰視退則溫



然和雅可親印應飛字德遠應雷弟淳祐辛丑進士初任朝奉郎權知鎮江軍調永嘉尉為大社令擢監察御史差判鎮江知鄂州兼湖北運判開慶初元兵圍鄂都統張勝登城誘以納降元人信之盡焚樓櫓一壘獨存應飛自外督兵來援圍遂解承制充宣撫司參謀官除戶部侍郎准東總領知鎮江與兄應雷相次徙居常熟卒贈朝議大夫龍圖閣學士氏族畧印况舉進士江寧人

氏姓謹明印大猷米脂人任冠縣知縣印璽永平人成化舉人任太和縣知縣印寶六合人成化舉人寶慶同知印崙嘉

靖中任州判印一中桃源人萬厯中任成都縣知縣印岳楚雄衛千戶性仁孝忠義嘗見屍暴露者解衣衣之喪弗能殯者與之棺後征麓川戰死印宋武陵人嘉靖歲貢南通州同知以征倭功升鳳陽府判有政績

鎮江志印司契奇字雪浪桃源人崇禎辛未進士由南兵部員外郎擢鎮江府罷歸升常鎮道擢兵部右侍郎題名錄印憲曾寶山縣人乾隆辛未進士

晉 見廣韻

左昭二十七年傅楚晉陳宛卻之黨鄆將師與費無極比而



譖之子常殺晉陳及其子弟

趙策秦圍趙之邯鄲魏安釐王使將軍晉鄙救趙畏秦止于蕩陰不進魏王使客將軍辛垣衍間入邯鄲按信陵君因如姬盜兵符晉鄙不受代為朱亥椎殺

班固集晉馮京兆人班固薦于東平王蒼按蘭臺集京兆祭酒晉馮結髮脩身白首無違好古樂道乎默自守古人美行時俗莫及又按史通晉馮嘗撰次漢使以續史記

淮南要畧養士數千高材者八人蘇非李尚左吳田由雷被伍被毛被晉昌號曰八公

張納碑陰從掾位並當晉厚李缺

風俗通後漢晉文經漢中人徵拜不就按文經與濟陰黃允並恃其才智曜名遠近託言療病京師不通賓客公卿大夫遣門生旦莫問疾公卿所辟召者輒詢問之隨所臧否以為與奪惟符融知其空譽違實後並以罪廢棄見漢書吳志戲口守將晉宗殺將王直叛如魏魏以為斬春太守後賀齊虜之

晉書晉灼字子盛河南人著漢書集注四十卷按姓纂灼居平陽十世孫魏瓜州刺史廣至公暉居馮翊按唐書僖宗隨



駕五都亦有晉暉

韻謚漢有晉寶為樂安相

晉書梁州刺史張光遣參軍晉邈將兵拒王必李運王建之  
黨邈受賂勸光納其降旋見運建等多珍寶又勸光殺之  
廣古今五行志晉木江洲人年百餘歲頭上生角後因入舍  
前江中變為鯉魚角尚存首

隨書尉遲迴反楊豎密與總管府長晉昶等書令為之備迴  
聞之殺昶

隨書帝廢太子勇率更令晉文建等皆處盡

急就章宋晉隲紹興初知房州倉廩富足

五代史後晉杜威等攻契丹秦州刺史晉廷謙舉州降按亦  
見馬全節傳

九國志晉暉許州人父和為忠武軍列校暉少有膽氣後與  
王建等為隨駕五都治涪州除積弊年老日與武士宴談  
氏姓謚元將晉國寶明有晉罡洪武進士晉憲嘉靖進士工  
部郎中

甘肅志晉顯卿遼東人由恩廕康熙間任環縣知縣革除積  
弊



縉

縉雲氏見路史

進

見姓苑路史

粵嶠後漢書漢有小黃門進延按延一作儉為小黃門非小

黃令也正字通誤

甘肅志進浴中衛人明貢生官副使道

王守仁傳福建三衛軍人進貢等作亂勅王守仁往勘

順

姓苑順人姓

王元美別集江夏進士順境按境字履常嘉靖辛丑進士

氏姓謹順宣大宣人正統中任江西樂安縣丞又順允文順

廷順嘉靖舉人均江夏人

覺

見辯證

左哀二十七年傳公子荆之母嬖將以為夫人使宗人覺夏

獻其爪對曰無之公怒

鎮

見姓苑

氏姓謹鎮海常山人開縣典史廉愛得民升知縣鎮宣瀘州

人正德中任新野縣丞鎮丙戌宣人萬曆中任丹陽縣典史

四川志明曹震開永宣河碑記貴播驛舖橋道委播州宣慰



司楊重慶千戶鎮洪提調軍民以開之  
振 姓苑振人姓

氏姓謚宋振紀承真直郎廣州轉運使

閏 此姓諸書無今補

印藪漢有閏絲

元史訛里也傳有軍士閏孫同被害贈脩正郎

按本朝道光壬午山東舉人閏臨川主考為吾邑編脩牛鑑

與江夏何凌漢也

舜 見姓苑

說苑晉賢人舜粵為趙簡子殺孔子臨河返駕

氏族畧宋舜俞咨延祐初任嘉興教授

正字通舜用禹慶都人宣德中官刻漏博士

雋 見姓苑

雋蒙氏廣韻作雋蒙誤

按符秦大統四年脩太尉鄧艾祠碑有軍錄事和戎雋蒙理

子謙雋蒙訪彥

遊 見姓苑亦見纂要

俊 姓苑俊人姓



脊 按脊古慎字即慎姓

陵 見穆天子傳

姓韻卷七十三

世威張 澍纂

十三問

問 見廣韻

夏錄魏主入城赫連昌眾覺之諸門悉閉魏世祖入宮中得  
婦人裙繫之槩上乘之得免會日莫昌尚書僕射問至跋城  
奉昌母出走

甘肅志明問所願靖遠人

江南志問智成化進士寶應人



澗聞之張芥航河帥說問融白水人乙酉科拔貢生

問弓氏見姓苑

問薪氏見姓苑

運 見史記姓苑

運奄氏見史記路史

運期氏見史記

後漢書逸民傳梁鴻易姓運期名耀字侯光與妻子居齊魯

間

靳 見姓苑

史記楚大夫靳尚讒屈原按攝山記靳尚以妒賢化蟒圖經

靳尚至南齊時受攝山法度師五誠

國策韓有上黨守靳黈黈曰挈瓶之智不失守器秦使馮亭

代靳黈

漢功臣表汾陽侯靳彊以中尉破鍾離昧功侯彊子解解子

胡胡子石坐為太常離宮行橋惡免又信陵侯靳黈以中涓

從起宛胸入漢以騎都尉定秦擊項籍別定江漢侯黈子亭

後漢書范令靳允殺呂布將汎嶷

魏志諸葛亮使郝昭鄉人靳詳說昭降昭曰我識卿耳箭不



識也詳乃去

冀陽國志初皇甫晏未出蜀中傅相告曰井中有人學士靳普言客入東井益州之分野憂刺史戒客人耳又王濬初征聞靳普今行何如普對曰客星伏南斗中而太白歲星在西方占曰東方之國破必如志矣普學術不貪榮貴卒于布衣後趙錄劉聰太傅靳準聰取其二女又鎮北將軍靳冲望都公靳陵按準為大將軍梁游宴後宮軍國之事一決于準準矯詔以弟明為車騎將軍康為衛將軍後作亂殺梁準為劉曜殺

後魏書燕術士靳安雁門人言于太子寶曰天時不利燕必大敗速去可免寶不聽安退告人曰吾輩皆當棄尸草野不得歸矣後入魏為太史令

南燕錄撫軍司馬靳瓌

唐書靳孝謨武功人為朝邑法曹以蒲津中渾二城降後官金紫光祿大夫遣使安集邊郡為梁師都所獲孝謨罵之極口師都殺之詔謚曰忠

山東志宋靳懷德博州人本名湘祖昌範殿中丞父隱禹城令懷德中明法科太平興國時歷外任疊有善政



河南志靳裁之許昌人習伊洛程氏之學師事胡安國嘗曰士之品大概有三說見下論鄙夫外注

元史靳祥祥子德進又靳義明兵克太平義官總管赴水死河南志靳義字原礼淇縣人以大學生任御史永樂時皇太子居守賜魚米以旌其廉曰貞御史也

丹徒志靳貴字充道丹徒人任筭蓋殿大學士靜重簡默不輕臧否居密勿侃侃正言無顧忌

員 見姓纂音運

南涼錄金城員敬又夏人員倉按一作景倉

唐書棣州刺史員半干字滌期初名餘慶王義方許以為五百歲一賢者生子宜當之故易金名以文雅飭吏事

唐書員嘉靜開元中張嘉貞薦苗延嗣呂太乙崔訓嘉靜等

四人皆位清要語曰令君四俊苗呂崔員按嘉靜為考功員外郎

藝文志宋員卓著遁甲東征賦一卷

四川志宋登科員安輿員子思并陵并監人

陝西志員逢辰寧州人員議鳳翔人洪武中任舒城縣有善政員宗義咸陽人慷慨有志節事繼母以孝聞敦族睦隣輕



財尚義正統間饑賑活數萬人員廉咸陽人天性豁達孝友  
成化舉人任山東青州府通判尋守霍州按宦官罪惡改調  
又明年宦官誅被命兀徵不起

頊 此姓諸書無今補

丹徒縣志頊璣宋紹聖四年任丹陽令

覲 見辯證

訓 見氏族畧

栢鄉志明訓濬栢鄉人宣德中任袁州府教授

郡 見運切

氏姓謹郡敬大宣舉人成化中知餘干縣

奮 見姓纂

左昭公二十年傳楚王使城父司馬奮揚殺太子建未至而  
使遣之三月太子建奔宋王召奮揚奮揚使城父人執已以  
至王曰言出于吾口入于爾耳誰告建也對曰臣告之君王  
命臣曰事建如事余臣不佞不能苟貳奉初以還不忍後命  
故遣之既而悔之亦無及也

韻 見路史

氏姓謹韻鰲清源人永樂庚子舉人



汝 見姓苑

收 廣韻集韻韻會收於悉汾切音叻諸書無此姓今補

北魏趙阿歡造像記碑有收新德按與收根之收不同  
十四願

萬 見姓纂姓源韻譜

孟子門人萬章按孟子外書孟母之喪萬章治練

英賢傳漢魯國萬生

水經注漢高帝六年封郎中萬訢為陽阿侯世祖建武六年  
封萬普為涑氏侯

水經注王子喬碑云有人著大冠絳單衣杖竹立冢前呼采  
薪孺子伊永昌曰我王子喬也勿得取吾墳上樹忽然不見  
時令太山萬熙稽故老之言感精瑞之應乃造靈廟以休厥  
神

後漢書光武二十八將中萬脩字君游茂陵人為右將軍  
隨書經籍志吳丹陽太守萬震著南州異物志按吳志有丞  
相萬彧

晉書陶侃少孤貧為郡督郵長沙太守萬嗣見而異之命其  
子昇結交



還寃記晉山陰令石密先為御史枉奏殺句容令萬默密尋  
白日見默來殺密死

北魏書萬安國代人祖真世為尚帥從世祖征伐有功父振  
尚高陽長公主安國明敏有姿貌復尚主後矯詔殺奚買奴  
賜死

隨書樂工萬寶常妙達鐘律開皇初聞鄭譯所定樂曰哀怨  
浮散此亡國之音寶常貧而無子久之竟餓死將死悉取其  
書燒之按寶常撰樂譜六十四卷具論八音旋相為宮之法  
改絃易柱之變為八十四調一百四十四律終于千八百聲  
為之應手成曲

万

万紐于氏見魏書周書按亦作紐

後魏書南秀容牧子万紐于乞真殺太僕卿陸延秀按通鑑  
作萬于乞真誤矣

後魏書志柱國万紐于謹

後周延壽公碑頌云勳州刺史延壽郡開國公万紐于寔考  
之于史為燕國公于謹子也

北魏孝文吊比干墓文碑有司衛監臣河南郡万紐于勁給



事臣万怛于野顯武將軍万怛于吐拔武騎侍郎万怛于澄  
按此碑紐怛字互見未知何故

勸 見姓苑

新唐書元和三年異牟尋死子尋閣勸立或謂夢湊自稱驃  
信夷語君也明年死子勸龍晟立淫肆不道十一年為弄棟  
節度王嵯岷所殺立其弟勸利勸利德嵯岷賜姓蒙封大  
容蠻謂兄為容長慶三年死弟豐祐立太和中西川節度使  
杜元穎治無狀彰侯弛香相蒙嵯岷乃悉眾掩邛戎雋三州  
陷之入成都止西乳十日慰賚居人市不擾肆將還乃掠子

女工技數萬引而南人懼自殺者不勝計救兵逐嵯岷身自  
殿至大度河謂粵人曰此吾南境爾去國當哭眾號痛赴水  
死者十之三南詔自是工文織與中國埒按姓書引作勸龍  
威者誤

蔓 見氏族畧

左昭十三年傳王奪成然邑使為郊尹蔓成然故事蔡公注  
成然門韋龜子蔓成然即成然蔡公棄疾也

左傳已有蔓子以其頭付楚不肯與地按譙周三巴記巴國  
有亂將軍蔓子請師于楚楚人與師蔓子已平巴國既而楚



遣使請城蔓子曰吾許城子之君矣持頭往謝城不可得乃  
自刎以頭與楚使楚子嘆曰吾得臣若巴蔓子何以城為乃  
以上卿禮葬蔓子頭巴國葬其身亦然

曼 見路史

左傳隱五年鄭侵衛使曼伯與子元潛軍軍其後桓五年傳  
曼伯為右拒杜注曼伯檀伯也左宣公六年傳鄭公子曼滿  
與王子伯廖語欲為卿伯廖語人曰無德而貪按前漢五行  
志有曼滿注鄭大夫既公子曼滿也

史記棄疾使曼成然告初王子比及令尹子皙曰王至矣國  
人將殺者君司馬將至矣曷蚤自圖無取辱焉眾怒如水火  
不可救也

邵陽令曹全碑有鄉耆夫曼駿安雲

魏志徐邈同郡韓觀曼游與邈齊名

曼丘氏見漢書注

廣韻孟子齊有曼丘不擇按孟子外書曼丘不擇問于孟子  
曰夫子焉學孟子曰魯有聖人曰孔子曾子學于孔子子思  
學于曾子子思之子曰子上軻嘗學焉是以得聖人之傳也  
漢書韓王信將曼丘臣顏師古注曰姓曼丘名臣也曼音萬



曼丘臣白土人

曼多氏見路史

漫 見姓苑

氏姓謚漫智忻州人宣德舉人

鄒 見姓苑

左傳昭十六年楚殺鄒子按即蔓子也

媿 纂文媿姓也古萬字

憲 見姓苑姓纂路史

急就章漢有長史憲義渠

氏姓謚元有憲得明大德中任福州路管明有憲章代州人  
嘉靖時任荊州府經歷

憲丘氏按憲丘即獻丘也

急就篇漢有丞相史憲丘音按集古印謚有憲丘音又有憲  
丘宮

怨 見姓苑

金淳化縣重脩岱嶽廟記碑有與史怨希

艮 見姓苑

姓苑漢有艮當注樂經按亦見集古印謚



遜 姓苑遜人姓

頓 見風俗通姓纂

戰國策秦王欲見頓弱頓弱曰臣之義不參拜王能令臣無拜則可矣不即不見也秦王許之於是頓子曰天下有其名而無其實者有無其實而有其名者有無其名又無其實者王知之乎注頓弱秦人亦曰頓子按亦見古今人表

風俗通漢有頓肅為邵陽令

隸釋漢碑有議曹掾並當頓甫

廣州先賢傳頓琦蒼梧人至孝母喪琦獨身立墳歷年乃成

居喪哀毀踰制感物通靈白鳩栖息廬側見人輒去見琦而

留南齊永平明中范雲為州刺史使祭琦墓

魏志華佗傳督郵頓子獻得病已差詣佗視脉曰尚虛未得

復勿為勞事御內即死臨死當吐舌數寸其妻聞其病除從

百餘里來省之止宿交接三日發病死

宋書劉粹傳六家悔倍還投陳留襄邑縣頓謀等村粹遣將

苑縱夫討叛戶不及殺謀等三十家

宋書鄧琬傳頓生以平江陵功封並功男

新唐書回紇傳宗天寶中封頓毗伽為金山王



氏族畧宋元祐進士胡起通叛秦州與東坡友善又有胡躡  
登科皆蔡州人

稽神錄袁州刺史胡金罷郡還有人以紫襪包一物詣門遺  
之開視則白襪衫也其年金卒按胡金楊行密順義時人有  
伽山加封記又董昌將胡全為錢鏐將顧全並所獲

氏姓謚胡欽封丘人洪武舉人胡謙長垣人成化舉人官內  
鄉知縣胡銳涿鹿衛人正德辛未進士胡質睢寧人弘治中  
萊州府經歷胡易永安人萬厯間壽州衛經歷  
題名錄胡權長垣縣人乾隆丙辰進士

獻 見姓纂路史

風俗通戰國時秦大夫有獻則按國策獻則謂公孫消曰公  
大臣之尊者也數代有功所不為相者太后不善公也茅戎  
者太后之所親也今亡於楚在東周公何不以秦楚之重資  
而相之於周乎楚必便之矣戎有秦楚之重太后必悅公公  
相必矣按注楚人為茅戎游說者非秦人也  
集古印謚漢有獻之

獻丘氏姓苑人姓有獻丘氏

獻

見四公記



四公記杰公與諸儒語及方域云扶桑之蠶長七尺圍七寸色如金四時不死五月八日歐黃絲布于條枝而不為繭腕如綫燒扶桑木灰汁煮之其絲堅韌四絲為條足勝一鈞又言女國以蛇為夫男則為蛇穴處女為臣妾居宮室又言女國有六南海商人齋火浣布三端帝以雜布積之令杰公以他事召至市杰公遙識曰此火浣布也一是緝木皮所作一

是續鼠毛所作以詰商人具如所說  
龐元英文昌雜錄姓翫名杰翫音万杰音傑天齊人昭明太子曰翫出世本字亦作簡出三齊記杰出竹書紀年

建 見風俗通廣韻

功臣表術陽侯建德以南越王兄越高昌侯又開陵侯建成以故東粵建成侯與繇王斬餘善侯子祿嗣坐舍衛太子所私幸女子又祝詛上要斬

漢書高五王傳吳楚反趙王遂與合謀起兵其相建德內史王悍諫不聽遂燒殺德悍

荀悅漢紀王翁孺徙居魏郡元城人建公曰昔春秋時沙鹿崩晉史卜之曰陰為陽雄土火相乘沙麓崩後六百四十五年宜有聖女興其齊田氏乎元城東郭五鹿墟即沙麓地也



今翁孫從正值此地日月當之矣按漢書元后傳建公名居  
集古印謚漢有建牛吾

論 見唐吐蕃傳

西秦錄有將軍論叔達

唐書東祿贊子欽陵欽陵子弓仁聖曆二年以所統吐渾七  
千餘帳自歸授左玉鈐大將軍封酒泉郡公孫瑀以殿中監  
從李光弼破史從義有功為英武軍使論氏遂為唐名將家  
武威郡故中國有武威論氏弓仁生誠節天寶中為朔方節  
度副大使生河東節度副使惟清襲封其弟惟良官鄜州防

禦使惟貞本名瑀以字行弓仁孫也官河南節度副使左武  
威衛大將軍惟賢官羽林大將軍劍南節度使封西平郡王  
惟明鄜坊節度使封建安郡王惟貞官右金吾大將軍生左  
衛大將軍倬偕任任生侍御史冕

唐書器努悉弄既長欲自得國漸不平欽陵乃與大臣論巖  
去之又云吐蕃使者論仲琮入貢上問以吐蕃風俗對曰吐  
蕃地薄氣寒風俗朴魯然法令嚴整上下一心議事嘗自下  
而起因人所利而行之所以能持久也

唐書吐蕃遣大臣論吐渾彌來請和且請與吐谷渾復脩鄰



好不許

唐書李克用陷忻代二州因畱居代州鄭從讜遣教練使論安等軍百井以備之論安自百井擅還從讜不解鞞衫斬之滅其族

韋皋傳皋破吐蕃獲大將論贊熱禽大首領論莽熱以獻又順宗永貞十四年敕放吐蕃使論矩立藏等穆宗時劉元鼎充西番會盟使與論訥羅同赴本國就盟又吐蕃大將論恐熱又吐蕃遣其臣論頰熱入貢

按元稹文唐有論倚官忻州刺史又論僂與豆盧靖等出為刺史閔旬追還詔書元稹諫之

按常衮文論誠文信開府議儀同三司

辯證宋論氏唐御史晃三世孫勅生衡衡生蘊蘊生叡叡生程為御史程二子翊官駕部員外郎翹長安主簿

南詔德化碑差首領楊利等于浪穹參吐蕃御史論若贊又云神州都知兵馬使論綺里

氏族畧宋有論九齡寧州人登科

甘肅志論卜仕元至司徒平章元末守寧夏

陝西志論中同州人宣德中長沙府經歷



甌 見路史

寸

氏姓誼寸居敬浪穹人嘉靖中任梓潼縣知縣

阿文成公年誼有雲南通事寸博學

按雲南有舉人寸健澍聞之張戶部姜如說

巽 見姓苑

健

氏姓誼宋遺民健莖卽鄆人

焮 集韻音竄直音云音焮人姓

困 見姓苑

困沒長氏按困一作圉

唐史驃國古末波也東隣真臘西接東天竺南盡溟海北通

南詔紫邏城界其王姓困沒長名摩羅惹其國相名摩訶斯

那



姓韻卷七十四

武威張 澍篔

十五翰

翰

左昭公二十年傳曹翰胡會晉荀吳齊苑何忌衛公子朝救  
宋與粵氏戰于楮丘注翰胡曹大夫

漢 見姓苑

氏族畧五代漢倫深州刺史宋漢宗堯循州人淳祐進士  
氏姓謚漢邦傑道州人正德中任雲南五鹽井提舉



甘肅志漢德金縣人國子生不就仕絕迹名利清介孤高士大夫重之漢繼業金縣歲貢天順間歷官東昌府同知山東志漢鑿日照人嘉靖中任邵武府檢校

今上乾隆時有漢始號字元良脩水人著易經因例說甚淺陋

曠 見姓苑

印藪漢有曠唯按集古印謚作曠唯

西魏大統十六年岐法起造像記有佛弟子曠妃 缺佛弟子

曠和 缺

僕 玉篇僕呼肝切音漢姓也集韻姓也音漢諸書無此姓今補

犴 見漢書注

漢書梁王傳元朔中睢陽人犴反人辱其父而與睢陽太守客出同車犴反殺其仇車上亡去睢陽太守怒以讓梁二千石以下求反急執反親戚反知國陰事迺上變告王與太母爭尊狀師古注姓犴名反也音岸

幹 見姓苑

幹獻氏見世本

斷 見路史



炭

西京雜記有長安人炭蚪

西域傳車師後部戾炭遮頡餘人畔阿羅多詣漢使降

縉紳錄嘉慶間有浙江人炭勇亮任把總

案 見姓苑

岸 按岸羌姓也

張奐傳羌岸尾摩盤等鈔三輔奐擊破之

母 見姓源韻 按音貫

母丘氏 見姓苑

陸氏經典釋文母丘望之作老子章句按後漢耿弇傳皇甫

謚高士傳均作安丘隨志云母丘望之作老子指趣三卷

吳祐傳安丘男子母丘長與母俱行市遇醉客辱其母長殺

之而亡安丘追蹤于膠東得之祐呼長謂曰子母見辱人情

所恥然孝子忿必慮難動不累親又聞知無子乃令妻宿獄

中懷孕冬行刑齧指而吞之曰妻若生子名之吳生

三輔決錄趙牧誤奏王帝遣侍御史母丘歆覆案

蜀志先主傳大將軍何進遣都尉母丘毅詣丹陽募兵

魏志母丘興聞喜人為蒗威太守涼州刺史入為將作大匠



子儉襲高陽侯爵幽豫二州刺史官車騎將軍子宗字子仁  
有儉風仕至零陵太守旬字子邦為治書侍御史字子興巴  
東監軍益州刺史按異苑母止儉字仲恭郭頌世語旬有名  
京邑齊王之廢也旬謂儉曰大人居方岳重任國傾覆而宴  
然自守將受四海之責儉然之

隸釋魏酸棗令母止悅字抱僖魏正始元年三任酸棗令民  
為立碑

晉書海西公紀哀帝興寧三年二月即位冬十月梁州刺史  
司馬勳反自稱成都王十一月師眾入劔閣攻涪西夷校尉

母止曄棄城而遁

晉書王澄傳王澄使司馬母止邈討袁遂

蜀錄漢中太守杜孟治走惟漢國功曹母止建荷擔杖曰吾

雖不肖一國太夫國止不能存終不屬賊也餓死谷中

舊唐書白居易在忠州為木蓮荔支圖寄朝中親友命道士

母止元志寫之

四川志宋有母止會政和有母止儼母止慈並閬中人登科

貫 見姓苑

姓纂戰國策齊有貫珠按此非姓名宜刪



史記趙相貫高謀殺高祖後高祖高其義赦其罪高抉吭而死

儒林傳賈誼授左傳于貫公為河間獻王博士貫公傳其少子長卿事毛公以詩授解延年為蕩陰令

匈奴傳貫友永和五年為護羌校尉遣譯使構離諸羌攻迷唐于大小榆谷獲首虜八百餘人收麥數萬斛造河橋欲以渡兵迷唐遠依賜支河曲

集古印謚漢有貫曠

後趙錄石勒命法曹令史貫志造辛亥制度五千文施行

張軌傳東羌校尉貫興據險斷絕使命軌命子實與宋配擊破之

氏姓謚貫元凱臨邑人洪武三年官橫州知州貫義扶風人嘉靖中任保定指揮使貫道廣西興平人嘉靖中任四川井研知縣貫晉定陶縣人隆慶中任山西岢嵐吏目

四川志貫玳昭化庠生父玉鉉崇禎中官江西龍泉知縣玳與元嫂奉母家居元嫂皆沒于疫流賊之亂玳獨奉母避居山中掘蔬為食母卒玳哀毀骨立屢瀕于死時兵戈阻絕不得父耗者十有五年至康熙六年乃聞父卒于任徒步奔喪



扶櫬乞食歸鄉里

灌 見風俗通廣韻

功臣表潁陰侯灌嬰以中涓從起碭至霸上為昌文君入漢定三秦殺項籍侯孝文五年平侯何嗣孝景三年侯彊嗣元光三年侯彊嗣侯賢以嬰孫紹封元康四年嬰曾孫長安官首匿詔復家按何嬰本傳作阿索隱云漢書臨汝侯灌賢則賢是嬰之孫

漢書灌孟從灌嬰為舍人故蒙灌姓本姓張灌夫之父也灌夫字仲孺官太僕子恬嗣封

胡廣云明章二帝服勤園陵有謁者灌桓後遂稱謁者為灌風俗通汝南陳茂君因為荊州刺史時南陽太守灌恂本名清茂不入宛城引車到城東為友人衛脩母拜到州恂先是茂客仕蒼梧還到脩家見脩母婦說脩坐事繫獄當死因詣府門移辭乞恩隨輩露首入坊中容止嚴恪須眉甚偉太守大驚不覺自起立賜巾延請甚嘉敬之即時出脩南陽士大夫謂恂能解救脩茂糾繩不撓竟極罪恂亦以他事走南陽疾惡殺脩為之語曰衛脩有事陳茂活之衛脩無事陳茂殺之



馬融長笛賦重丘宋灌名師郭張呂濟注宋灌郭張漢之四  
姓知樂人出于重丘也

隸釋敝阮碑陰郡吏有灌珠升明

魏書曹植傳監國謁者灌均希指奏植醉酒悖慢劫脅使者  
水經注晉有九真太守灌遠攻林邑王范拂破其國遂于其  
國五月五日立表日在表北影在表南寸方一分故自北景  
南皆北戶以向日也

抱朴子內篇陳安世灌叔本之客子耳先得仙道叔本年七  
十皓首朝夕拜安世曰道尊德貴先得道者則為師矣吾不  
敢倦執弟子之礼也由是安世告之要方遂復仙去

統謚灌謙南海人萬厯間任江陵縣主簿

灌檀氏見路氏史

灌東氏見路史按宜作東灌此宜刪

冠 見姓苑

列仙傳仙人冠先宋人以釣魚為業居睢水旁百餘人年得  
魚或賣或放或自食之好種荔枝食其葩實宋景公問其道  
不告即殺之後數十年踞宋城門鼓琴按太平御覽引一作  
冠先生或作冠先誤



雋陽國志張綱劾魯相冠儀臯儀自殺

後趙錄劉聰使冠威監東宮

冠軍氏見姓謹

英賢傳晉有冠軍夸為太傅東海王參軍見太傅佐史簿

後燕錄慕容坐臣有冠軍隆

段 見姓苑三輔決錄

唐世系表老子十三世孫名宗事魏為將宗之子注生言言之子孫名瑕仕漢後家于齊瑕子解為膠西王太傅王印與諸王起兵解切諫不聽遂棄家避去

戰國策段規為韓康子相按一云段規魏桓子之相請致邑以驕智伯國策又有段喬段產

按漢書北地都尉段印見文帝紀段會宗成帝時金城太守西域都護見本傳中郎將段柳與副校尉王郁使南單于酒泉太守段彭大破車師于交河城為西域都護段禧騎都尉為西域都護長史均見南匈奴傳大中大夫段襄骨鯁可任見來歙傳光武使樓船將軍段志與馬援征南蠻見南蠻傳志先為驃騎將軍時與馬援同征皖見馬援傳博士段猶見師丹傳太尉段熲字紀明安西一作南將軍段熲字忠明皆



武威人

按孫叔敖碑有云因始令段君蒙見孫君則存其後就其故祠為架廟屋立石銘碑春秋烝嘗明神報祚即歲遷張掖太守及期思縣宰段君諱光字世賢魏郡鄴人漢延熹三年立北齊書段榮傳子韶襲封平原忠武王子深進封濟北王榮榮韶皆武威人

通典徒河段疾六眷出遼西因亂被賣為漁陽烏桓大人庫偃家奴庫偃以其健使將人思詣遼西逐食遂招誘止叛以至強盛胡三省曰按晉書王浚傳段疾六眷務勿塵之子

段氏自務勿塵以來強盛久矣疾六眷因亂被掠容或有之務勿塵既能為部落之帥恐不待其子招誘而後能強盛也

段干氏見風俗通

說苑段干木晉之太鉏文侯凡之

國策段干越人謂新城君曰王良之弟子駕云取千里馬遇造父之弟子京氏造父之弟子曰馬不千里注云凡段干皆魏人今在秦

齊策卞卽之難趙求救于齊田侯召大臣而謀曰救趙孰與勿救卞子曰不如勿救段干綸曰勿救則我不利補曰史記



曰田敬仲世家作朋春秋後語作萌

國策魏有段干崇華軍之戰魏不勝秦將使段干崇割地而講

爨 見太平寰宇記

魏策公叔痤對魏王曰沃利害之備使三軍之士不迷惑者已宣爨襄之力也

謝承後漢書河南尹爨肅

寧陽國志建宣有爨谷爨熊昌宣大姓有爨習官至領軍按陶璜傳建宣爨谷為交阯太守牙門爨能自蜀出交阯破吳軍于古城能為孫皓所殺是熊為能字之譌

太平寰宇記晉爨深興古郡人仕為本郡太守今南宣縣南十餘里有興古太守爨府君碑按亦見蜀錄作爨琛官交州刺史

蜀錄李勢臣宣州刺史爨頌奔附于晉

晉書李雄時梁州刺史建宣爨亮與朱提審炤來附按通鑑作爨薑胡三省曰薑與疆同非也宜作量王遜募徼外夸刺量殺之按袁真降燕卒其子瑾立遣司馬爨亮如鄴請命此別一爨亮也



南史爨龍顏同樂縣人仕宋累官龍驤將軍鎮蠻校尉宣州刺史封印都縣侯有碑在故納河縣西三十里爨雲建宣郡人仕魏累官驃騎大將軍開府儀同三司南宣州刺史封同樂郡侯有碑在陸涼州南三十里

宋書晉宣太守爨松子反叛宣州刺史趙循討平之

隨史萬歲傳南宣夸爨翫降拜昆州刺史萬歲請將爨翫入朝詔許之先是爨瓚據南宣州乃漢牂柯地梁遙授為刺史其子震相承為酋帥

唐書高祖即位以爨翫子弘達為昆州刺史令持其父尸歸葬率西南夸內附

唐書貞觀中爨弘達死以爨歸王為南宣州都督俄而為大鬼主崇道所殺子守隅立

唐書高祖時有左監門中郎將爨寶璧與黑齒常之征骨咄祿元珍後以追虜欲幸取功出塞漏言虜整眾至死戰大敗寶璧跳還高祖怒誅之

唐書張柬之傳昆州刺史爨乾福復請置姚州言課稅自支不旁取于蜀

南詔德化碑置府東爨通路安南賦重役繁政苛人弊被南



宣州都督爨歸王昆州刺史爨日進梨州刺史爨祺求州爨  
守懿螺山大鬼主爨彥昌南宣州大鬼主爨崇道等陷殺竹  
靈倩兼破安宣

金三官宮存留公據破有爨興

雲南志爨勳雲南人正德中任湖廣柳州判官

池北偶談康熙間河南爨鑛為廣德州杭村巡檢

真

見姓苑

氏姓謚明真忠永樂舉人任知州真才永樂中任訓導真復  
永樂中官知縣並歸州人真禮汝州人正統中由舉人官奉

新知縣

四川志真進芷陵人景泰舉人官四川筠連縣知縣按統謚  
作進人誤

湖廣志真信芷陵人景泰舉人任教授

四川志明巫山縣貢生真安真永清

甘肅志真緯西固人明末任巢縣訓導李自成破巢緯罵賊  
死之

按 見姓苑

統謚元有按攤北海南宣慰使海康與安南占城諸夸接境



海島生黎叛服不常按攤威望素著夸人帖服  
甘肅志明有按光祖實授百戶宣州人

鄒

按牛叢與坦綽書南詔有臣鄒隴與段首遷使于成都節度  
使牛叢仍遣還報書

統謚鄒良鉞吉州人正統中任湖廣咸寧縣訓導

渙

他書無此姓今補

山東通志渙著元進士山東濱州人

贊

見姓苑

呂氏春秋古之善相馬者寒風相古口齒麻朝相頰子女厲  
相目衛忌相髡許鄙相腕投伐褐相胷管青相臍脇陳悲  
相骨股脚秦牙相前贊君相後按贊御覽引作賁誤一作夫  
人冉贊

南齊書百濟王牟大奏曰魏虜侵界遣大將贊首流等破之  
為行安國將軍辟中侯

十國春秋前蜀本傳段義宗本南詔布燮也乾德中與判官  
贊衛姚岑等來聘

長安志贊育永樂甲午科舉人任教授



興安府志嘉慶間兵丁贊金柱在湖北喇吧洞陣亡

攢 見姓謹

暗 姓苑暗人姓

統謚元暗伯唐兀人弱冠入宿衛性嚴重剛果有大志

歎 姓苑歎人姓

旦 見姓苑

虞集學古錄旦景初官僉司虞集題其画旦公山堂城東南

画圖古檜何穆穆城中無山有山癖直藉毫墨窮幽探

四川志本朝長壽旦仕俊評事友賢之孫友賢没仕俊以嫡

孫承重既葬廬墓三年副使彭公旌表之

澍宰銅梁日民有旦元

翫 見姓苑

半 見姓妃苑

斬 此姓諸書無今補京都崇效寺碑陰有斬姓

璨 見姓苑

瓚 見王士禛隴蜀餘聞此姓諸書無今補

綻 此姓諸書無今補

按雲南夸有綻拉機見阿文成公年謚



筭 見姓苑

竿 姓苑竿同筭姓也

晏 見姓苑

姓韻卷七十五

十六諫

諫 見風俗通廣韻

風俗通漢有治書侍御史諫忠按氏族畧引作持書御史

晏 見潛夫論

山海經晏龍為琴瑟注堯臣也

按齊有晏弱萊之夷維人謚桓子見宣十四年傳弱子嬰字  
平仲見襄十七年傳著有晏子嬰之子圉與高張弦施來奔

忒威張 澍纂



見哀六年傳齊侯伐衛晏父戎爲右注晏萊皆其族也見襄  
二十三傳又是年趙勝帥東陽之師追齊侯獲斃系未詳  
齊策鄒忌事宣王任人眾宣王不說晏首貴而任人寡王說  
之鄒忌謂宣王曰忌聞以為有一子之孝不如有五子之孝  
今首之所進仕者以幾何人宣王因以晏首壅塞之  
漢郊祀志齊人晏安上書言祠三一

漢書司隸校尉晏稱會于朝堂張酺謂稱曰三府拜吏多非  
其人稱歸即奏令三府各實其掾吏酺于庭廷叱之  
晉書荊州刺史桓石民遣將軍晏謙擊弋農下之

晉書晏謨臨淄人善屬文按南燕慕容德召謨問臨淄故事  
謨應對辨博畫地成圖德深嘉之拜尚書郎著三齊記三卷  
見水經注姓纂作晏漢訛謨青州秀才也見南燕錄

唐藝文志乾寧晏先生制伏草石論六卷晏封也

宋史晏殊字同叔應神童舉臨川人官宰相晏幾道字叔同  
殊第七子工樂府黃山谷極推重晏防字宗武殊姪寬厚好  
學安于義命不可榮辱著有侯門集

秦

秦龍氏見左傳



宦 見姓苑

丹陽志宦允康字佐釗篤于古道兄歿扶節保孤後孤與母俱夭為之殯埋復撫其幼孤二十餘年宦牧之丹陽教諭作三思橋記宦進德紹興中特授江南總管提官鎮守潤城宦拔己丑科進士又宦璧宦椿均進士

氏姓誼宦績字熙東江陰人永樂甲申進士

題名錄宦儒章遵義縣人乾隆壬申進士

縉紳錄嘉慶時貴州遵義縣拔貢宦廷銓官印江縣教諭

患 見姓苑

雁 見姓苑

覓 此姓諸書無今補

按呂氏春秋荆文王臣覓譚蕭該音義引風俗通呂氏春秋作莞蘇

十七霰

卞 見廣韻路史

莊子湯將伐桀因卞隨而謀卞隨曰非吾事也湯曰孰可曰吾不知也

琴操卞和者楚野民得玉璞獻懷王懷王使樂子占之言玉



石以為欺謾斬其一足懷王死子平王立和復獻之

功臣表漢高七年封卞訢為陽阿侯

後漢書梁節王暢到國類有惡夢從官卞忌自言能使六丁善占夢忌諂媚曰神言王當為天子

謝承書卞崇婁縣人桓帝時太守薛固為法吏所枉下廷尉崇與烏程錢讓詣闕稱寃廷尉囚崇等苦毒之崇讓恬然自若天子聞而奇之

魏志后妃傳共戾卞廣恣宣皇后祖父廣子敬戾卞遠遠子卞秉東子卞蘭蘭子卞暉

晉書王敦作逆帝遣右將軍卞敦守石頭溫嶠討蘇峻時敦為湘州刺史擁兵不赴又不給軍糧朝野莫不怪歎

晉書司馬宗黨卞闡亡奔蘇峻庾亮符峻送闡峻保匿不昇卞壺別傳壺字望之濟陰宛句人父粹太常卿壺少以貴正見稱累遷御史中丞權門屏迹轉領軍尚書令蘇峻作亂率眾拒戰父子三人俱死于難按壺二子眈眈赴敵死後收葬治城中壺又有子眈為晉陵太守

晉書散騎常侍卞範之勸桓卞早受禪陰撰禪文晉書祕書監卞承之曰若宗廟之祭果不及祖有以知楚德



之不長矣

南史儒林傳有卞筭

練 見姓苑練氏謚

練氏謚練何河內人本東姓貞觀中為總管府錄事參軍從李勣伐高麗獻火攻策焚南蘇羅城遂破之以精練軍戎賜姓練氏封岐山侯

藁章郇公得象之高祖建州人仕王氏為刺史號章太傅其妻練氏智識過人太傅嘗出兵有二將後期欲斬之夫人置酒飾妓進之太傅歡甚迨夜飲醉夫人密摘二將使止

去二將奔南唐為將後城破之時太傅已死夫人居建州二將遣使厚以金帛遺夫人且以一白旗與之曰吾將屠此城夫人植旌于門我已戒士卒勿犯也夫人返其金帛並旗謂曰君幸思舊德願全此城之人必欲屠之吾家與眾俱死乎不願獨生也二將其言遂止不屠按練氏名雋五子此事見石林 語夢溪筆譚作連氏太傅名仔鈞二將邊鎬王建封也南唐遣江西安撫使查文徽來伐保大三年二月事一說十五子孫六十八人

王明清豐熙日麻均州奏為本州編管前漳州軍事判官練



亨甫逐次與兄練劾甫弟練冲甫往女弟子魯麗等家踰濫  
後收養在寶林院郭和尚房下令求食云云按練亨甫字葆  
光句容人始生夕父夢游大澤得圓石有字云一七聰二七  
悟聲名滿天下後入都王安石呼為小友官史館編脩又按  
亨甫安石高弟子以知經術馳名熙寧間

氏姓謹練字延平人為旌德令政易簡易有清操人飲清酒  
者皆曰此練長官酒也練定字公權嘉祐進士論事以尊主  
強國為先不合時宰意通判信州後官朝請大夫著有青州  
丘集練繪字質夫浦城人少與楊時游程頤之門登大觀進

士浮沈州縣不以軒冕為榮以名教為樂官至奉議郎練幹  
譽字克家為考城令初與王黼善及雷國未嘗一詣子粲通  
直郎以廉稱

氏姓謹練來字彥本建安人累試不利閉戶著書有三凡釋  
疑大易發微采野遺民集練山甫字補之浦城人年十五能  
挽強弓補國子生後補武學因論弓箭忤神宗罷歸後于徐  
衡榜登第調經涇原路總管司教閱官以功累官武德大夫  
練逢字彥默登進士任劍浦令再補本州軍事推官卒楊時  
銘其墓云孝尊于親學傳于人政得于民



氏姓謚練塤字聲伯長洲人洪武中以文學聘授左春坊司直郎嘗劾大臣不法事賜錦衣改御史按宋濂集練塤由睦來居作義塾濂為之記

江西志練禧字伯尚新淦人元末隱居不仕以文章氣節見推洪武初召為起居注以直言忤旨謫廣德州同知遷汀州鎮安二府通判即子宣之父也

明史練子宣名安以字行新淦人官御史大夫靖難師起不屈死長子成經同死季子仁善逃饒州女瓊瓊沒為官奴次子宣童字復全逃秦州

左鼎傳鼎居官清勤卓有聲譽御史練綱以敢言名而鼎尤善為章奏京師語曰左鼎手練綱口自公卿以下咸憚之綱字從道長洲人祖則成洪武時御史綱舉鄉試入國子監歷事都察院邸王監國上中興八策也先將入犯復言和議不可就南遷不可從有持此議者宜立誅安危所倚惟于謙石亨當主中軍而分遣大臣守九門擇親王忠孝著聞者令同守臣勤王檄陝西守將調番兵入衛帝悉從之

廣東志練益德興人正德中任高要縣訓導講學不倦

明史練國事字君豫永城人萬曆丙辰進士官陝西巡撫



甘肅志練銳蘭州人正德庚午進士

縉紳錄直隸順德府邢臺縣西黃村巡檢練夔字裕川福建

平人監生

繭一此姓諸書無今補

戰見姓苑

風俗通漢有諫議大夫戰兢

氏族畧五代有戰貽慶登進士第宋戰仲恭官司法參軍

畫繼戰德淳本畫院人因試蝴蝶夢中家萬里題畫蘇武牧

羊假寐以見萬里意遂魁能著色山人物甚小青衫白袴烏

巾黃履不遺毫髮又作紅花綠柳清江碧岫一扇之間動有

千里光景真可愛也

湖廣志戰慎祁縣人洪武初官揚州知府

山東志戰正字德義高密人父恩沒大寧正遍訪弗獲忽有

老人備告之果得骨歸家後中鄉舉不仕姪翱字騰霄為邑

庠生父復敬卒翱廬墓三年母卒亦如之任訓導上書論官

官之既戰睿膠州人宣德中任太原府通判

氏姓誼戰符蘄州人萬厯中南京戶部司務按符有羅公祠

記閱其文有官留都之句知官南京也大足縣寶頂山有戰



符靈湫泉詩碑又有圓覺洞石壁詩署銜云忠州刺史楚人  
戰符是又官忠州知州也

汪輝祖佐治藥言乾隆間有戰效曾號魯邨直隸宣津己卯  
舉人歷官歸安嘉善富陽知縣後升海寧州

蕪 廣韻何承天云音戀姓也

鍾鼎款識蕪女鼎按薛尚功以蕪與樂同非也

姓苑漢有蕪秘為南郡太守

賤

風俗通漢有北平太守賤瓊又有曲阜人賤虞

變

見姓苑

倩

集韻倩倉甸切姓也此姓諸書無今補

見

見姓苑

鐘鼎款識商見父已獻按見父人姓名而薛尚功以見為儗

然必有見乎其位非也

現

此姓諸書無今補

雲寶五鍊經黃善忍國有道士姓現字信然師無常

媯

見說文姓苑篋

媯

見說文玉篇云媯奴見切姓也



殿 見路史

辯證崇宣間有商人殿全自虔州石城徙居撫州自言本姓  
犯宣祖諱下一字建隆中其祖以訟至縣令因字形改為殿  
氏按宣宗諱下一字殷字也

院 見姓苑

氏姓謚宋院亨謙古田人元祐間知德化縣院勤福宣人文  
林郎官建宣令元強珎與同時秦曷院孝思交善俱有詩文  
山西志院賓字君聘振盩衛人弘治癸丑進士歷官參議  
四川志院遷于交趾人景泰中任重慶知府

· 武威縣志明院浩生員嘉慶間院世基開基皆生員

彥 見姓苑路史

· 彥陽國志段恭字節英雒人少周流七十餘郡求師受學經  
三十年凡事馮翊駱異孫泰山彥之章渤海紀叔陽遂明天  
文

氏族畧宋彥茗淳熙登科彥必先以宣教郎知宜州彥端鄙  
陽人紹興進士彥九淵官潮州刺史

輿地紀勝太平興國時相傳戎州一觀有異人紹興中王籍  
與彥室嘗行山水間遇道人款語以腹枵告歸道人笑以肘



捫其腹者三彥室頓覺異常即辟穀踰年復夢見道人嘆以  
棗呼之過谿彥曰吾親在也乃止

線 見姓苑

元史有線真為宰執

氏姓謚元有線榮字子箒大德間為縣令時永安寺僧構豪  
勢壓鄉民榮控辱之一日江浙省平章也速答兒因獵至寺  
僧譖之遂使辱榮榮抗辭以對容氣儼如左右皆懾由是名  
重于時

山東志線雍日照人洪武中官分水縣知縣線補袞山東人  
嘉靖中官甘肅副總兵土蠻犯遼東補袞戰死

陝西志線補袞咸寧人萬曆辛卯舉人官主事此又一線補  
袞也

劉健過庭錄吳三桂之將有線維明線絨絨後歸順

李文襄公之芳秦疏有處州府知府線一信

平定緬甸述畧猛斂土目線官猛木邦土司線甕團其子線  
五格皆來降

四川志線登龍雲南恩安人乾隆三十九年任四川守備  
澍宰四川屏山縣有民線文



汴 見姓苑

氏族畧宋汴熹官明州同知

弁 見淮南子注

左傳汴弁糾纒糾也悼公即位弁糾御戎校正屬焉

高誘淮南子敘目云典農中郎將弁揖借八卷刺之

前趙錄劉曜太史令弁廣明言于劉曜曰昨夜妖星犯月師

不宜行曜從之

四川通志長寧人弁志中嘉靖元年官監利縣訓導

鵠 此姓諸書無今補

呂與叔攷古圖邾敦邾周大夫也有功錫命為其考作祭器

也一云作鵠敦銘云王格于宣榭呼太史冊命鵠

辨

漢書注淮南名士辨述

氏族畧唐辨機尚高陽公主娶源人

硯 見姓苑

元史硯彌堅應城縣人元初大將徇漢上招致而北因家真

定著儒籍以教授為業已而被薦擢為真定教授循循不倦

至元中置國子監拜國子司業以陽城忠孝之說訓迪諸生



聖學問淳正文章質實為人清苦嚴重士論推服按元滕安  
上有祭國子司業琬先生文年蓋八十

釗

氏姓謚明釗國賢閬中人萬厯間任撫州照磨釗佩雲南人  
萬厯間任貴陽縣丞

甘肅志釗自昭雍正時為高臺知縣

謹

見姓苑廣韻

縣

縣潘氏見姓纂按此非姓宜刪

縣孫氏見路史

薦

姓苑薦人姓

單

見路史氏族畧

呂氏春秋舜師單卷按即善卷

鐘鼎款識有單弊癸尊單從彝單疑生豆單夫丁彝

按莊元年單伯送王姬杜注天子卿也定元年傳單襄公如

晉拜成或云朝單伯曾孫襄三年公會單子及諸侯同盟于

雞澤頃公也為襄公子襄十年傳單靖公為卿士以相王室

頃公子襄三十年傳單公子愆期為靈王御史靖公弟單蔑



亦見襄三十年傳系未詳昭七年傳單獻公棄親用羈襄頃  
之族殺獻公而立成公杜注獻公靖公子成公獻公弟成公  
于昭十一年卒昭二十二年劉子單子以王猛居于皇秋劉  
子單子以王猛入于王城單穆公旗也成公子定七年傳單  
莖公劉桓公敗尹氏于窮谷杜注穆公子哀十三年傳公會  
單平公晉定公吳夫差于黃池成公子左哀四年傳楚有單  
浮餘圍蠻氏蠻氏潰杜注楚大夫

莊子田開之曰魯有單豹者巖居而水飲不與民共利行年  
七十而猶有嬰兒之色不幸遇餓虎餓虎殺而食之按呂氏  
春秋單豹好術離俗棄塵不食穀實不衣芮温身處山林巖  
堀以全其生不盡其年而虎食之幽通記單豹治裏而外凋  
此之謂也

說苑單快曰國有五寒而冰凍不與焉一曰政外二曰女厲  
三曰謀泄四曰不敬卿士而國家敗五曰不能治內而務外  
史記儒林傳徐公弟子單次為禮官大夫注單音善姓也次  
名

漢功臣表昌莖靖信侯單究初以舍人從以郎入漢定三秦  
以郎騎將軍擊諸侯侯子如意嗣如意子賈成賈成子德坐



傷人二旬內死棄市按究史記作寘

漢功臣表中牟共侯單左車以卒從沛入漢以即擊英布功  
侯始高祖微時有急給高祖馬故得侯孝文八年敬侯繪嗣  
元光二年侯舜嗣元鼎五年坐酎金免元康四年子孫之子  
陽陵不更克國詔復家

律厯志長安單安國治終始言黃帝以來三千六百二十九  
載不與張壽王合

漢書光武時祇巫單臣傳鎮等反據原武

後漢書太史令單颺與蔡邕等正定六經文字颺字武宣湖

陸人按單颺言燕國當有真人出

魏志單固山陽人令狐愚召為別駕後凌反固聖言不知為  
楊康所質誅死公孫瓚以單經為兗州刺史史

吳志趙達少從單甫受學用思精密單甫漢侍中也

前趙錄氏首大單微與石勒並降劉淵徵女為聰皇后其子  
太弟乂也乂舅單冲為光祿大夫慕容暉以單舅為雁門太

守

五代史劉守光之將單廷珪兄行欽最好驍勇夏魯奇昇之  
門兩不能解按廷珪即單無敵也



單父氏見史記注

史記功臣表單父聖謚恭侯聖子繪謚敬侯子終根謚戴侯  
單伯氏見集韻按無此姓宜刪

集韻鄭有櫟邑大夫單伯通按單宜作檀通宜作達

單門氏此姓諸書無今補

集古印謚漢有單門東單門段

單居氏

大戴禮記單居離問于曾子曰天圓而地方者誠有之乎注  
單居離曾子弟子

單于氏此姓諸書無今補

韋續九品書人論單于斯彥周人行書品下之下

唐書藩鎮傳吳少誠病亟家奴單于熊兒矯召少陽至攝副  
使總軍事

援 見姓苑

羨 廣韻羨人姓

羨門氏此姓諸書無今補

列仙傳羨門子高燕人為仙道形解銷化之術秦始皇時使  
盧生求羨門子高漢藝文志五行家有羨門式法二十卷史



記秦始皇紀入漢求羨門子高誓注羨門古仙人高誓亦古  
仙人按抱朴子敬卒若始此羨門所以致雲龍也真誥羨門  
今在蒙山大洞黃金之庭受書為中元仙卿

煎 此姓諸書無今補

史記貳師虜大宛貴人勇將煎靡宛大恐走入中城

鄒

西魏書大統八年四月鄒善見王兄鄒朱卿率眾內附

鄒善氏見姓纂

郵 見氏族畧

哀二十五年傳褚師比公孫彌牟公文要司寇亥司徒期因  
三匠與拳彌以作亂使拳彌入公宮攻公郵子士禦之彌援  
其手曰子則勇矣將若君何不見先君乎君何所不逞欲且  
君嘗在外矣豈必不反當今不可思怒難犯休而易簡也

解 集韻解音線韻本平聲亦有音變為去聲者

簡 集韻簡胡覓切姓也續若統姓苑又音漏一作簡音辨按唐  
韻止覓切入姓見姓誼正字通作莫半切音慢非也

眷 見姓苑姓纂

膳 見姓纂



扇 見姓苑

選 見姓苑

十八嘯

召 見釋例

按左莊二十七年傳王使召伯廖賜齊侯命僖十一年傳王使召成公內史過賜晉侯命國語作召公過韋注穆公之後文五年王使召伯來會葬成公子宣六年傳桓公逆王后于齊昭公子成八年秋天子使召伯來賜公命宣十五年傳王孫蘇與召氏毛氏爭政使王子捷殺召戴公及毛伯衛卒立

召襄陳氏謚戴公桓公弟襄戴公子昭二十二年傳王子還與召莊公謀杜注召伯奐子朝黨也昭二十四年傳召簡公南宮嚚以甘昭公見王子朝杜注簡公莊公子召伯盈也二十九年傳京師殺召伯盈

左桓三年傳齊公子糾之臣召忽襄二十二年傳齊侯伐衛先驅穀榮御王孫揮召揚爲右

左哀十五年傳渾良夫與孔惺作亂召護駕乘車行爵食炙奉衛侯輒來奔服虔云衛大夫

國策有召滑史記注作召涓



史記召騷爲陳涉右護軍後爲趙王或臣右丞相

按項羽本記廣陵人召平矯陳涉命封項梁呂后本記齊王相召平舉兵欲圍王蕭何世家故秦東陵侯召平種瓜城東索隱云廣陵人召平與東陵侯召平及齊相召平皆似別人也按齊王身其舅駟鈞郎中令祝午中尉魏勃陰謀發兵齊相召平弗聽又功臣表齊相召平子奴以父死事封黎侯奴子澤澤子延坐法除澤漢表作潰又按王鎮惡傳有召平率部曲迎亡命司馬文榮爲王此又一召平也

功臣表廣嚴侯召歐以中涓從起沛至霸上爲連敖入漢以

騎將定燕趙得燕將軍侯孝文二年戴侯勝嗣十一年共侯嘉嗣元康四年歐子孫安陵大夫不識召復家

漢書召信臣字翁卿壽春人爲南陽太守民呼曰召父

儒林傳召馴字伯春少習韓詩以志義聞鄉里稱之曰德行恂恂召伯春辟司徒府遷騎都尉拜左中郎將出拜陳留太守入爲河南尹章和中代任隗爲光祿勳孫休位至青州刺史

後漢書周勰傳父舉故吏河南召夔爲郡將卑身降禮致敬于勰勰耻交報之因杜門自絕



郭伋傳召吳襄城賊伋招撫之遣歸附農

廣異記安祿山以討君側爲名歸罪楊氏表陳其惡乃牒東京送表議者以辭不利楊氏難于傳送乃使大理主簿召皎送表至京帝宗覽之不悅但傳詔言皎還皎出中書見國忠問送胡之表母乃勞耶呵使速去皎還至戲口驛坐廳上繩牀恍然如夢忽覺牀去地數丈仰視見一人介胄中立呵叱左右二十餘人令撲已廳上復有一人短褐紫衣來云此非蔣清無宜殺遂見釋皎數日還至洛逆徒尋而亦至皎與流輩數人寸扁待命悉被收縛皎長大有容止而立居行首往

見賊將田乾貞乾貞介胄而立即前牀間所夢者也呵皎云何物小人敢抗王師命左右撲殺嚴莊遽從廳下曰此非蔣清無宜加罪乾貞方問其姓名云姓召因而見釋次至蔣遂遇害

陝西志召鳴衛輝人正統中官陝西神木知縣

召伯氏見姓纂按林氏所引者即左傳之召伯奭伯其爵非復姓宜刪

邵 見廣韻

姓纂秦有邵不疑晉有邵寄爲壽春太守按不疑姓召非邵



舊唐書施敬本傳後漢邵闔自侍中遷步兵校尉職千名其職省起居執虎子為褻臣

晉東晉傳汲冢書有公孫段與邵陟論易

吳志孫皓將邵凱降晉

後趙錄石勒具礼樂朝羣后侍郎邵恭執麾不降下理官

晉書大將軍穎欲昇越攻河間王顓參軍魏郡邵續曰人之有兄弟如左右手明公欲當天下一敵而先去其一手可乎

穎不從王浚以邵續為樂陵太守屯厭次浚敗續附于石勒勒以續子人為都護段匹磾邀續歸晉續從之其人曰其如

又何續泣曰我豈得顧子而為叛臣哉

通鑑唐草澤邵棠上言近游淮上聞周主恭儉增脩德政吾兵新破于潭朗恐其有南征之志宜為之備

邵皓氏見姓纂

少見姓纂

說苑吳王欲伐荆舍人有少孺子者欲諫不敢則懷丸操彈游于後園露沾其衣如是者三旦吳王曰子來何苦沾衣如此對曰園中有樹其上有蟬蟬高居悲鳴飲露不知螳螂在其後也螳螂委身曲附欲取蟬不知黃雀在其旁也黃雀延



頸欲啄螻螂而不知彈丸在其下也吳王曰善乃罷兵

莊子少知問于太公謂曰何謂丘里之言

姓纂漢有下邳令少年唯按亦見集古印謚又有少內

少室氏見韋昭國語注

說苑趙簡子御有少室周按國語少室周為趙簡子右聞牛

談有力請與之戲弗勝致右焉簡子許之使少室周為宰曰

知賢而讓可以訓矣注少室周趙簡子臣之姓名也

少施氏見世本

雜記孔子曰吾食于少施氏而飽少施氏食我以朮吾祭作

而辭曰疏食不足祭也

少正氏此姓諸書無今補

韓詩外傳少正卯孔子誅之家語少正卯言偽而辯順非而

澤記醜而博

少叔氏見廣韻按此非姓宜刪

少師氏見姓纂

英賢傳魯有少師陽少師慶

少西氏見世本

妙 見姓苑



宋史渭州言妙娥延家率熟鬼等族千餘帳萬七千口款塞  
內附是西羌姓也

廖 見廣韻姓謚按廖古音力弔反裴松之音理救反胡三省曰  
今讀如廖

粵陽國志秦昭王時巴夸廖仲作白竹弩射殺白虎

漢書南蠻傳桂陽太守廖祈注音力弔反

周澤傳北地太守廖信坐貪污下獄没入財產注音力弔反  
劉子傳有平林人廖湛聚眾號平林兵後為執金吾大將軍  
封穰王注音力弔反

風俗通漢有廖凱為鉅鹿太守

漢書廖冲明經脩行字清虛桂陽人聞帝好儒學乃應命後  
適歸

獨行傳廖扶字文起平輿人明天文讖緯風角推步之術號  
北郭先生注音力弔反按謝承後漢書汝南廖扶畢志衡門  
死葬北郭號曰北郭先生

蜀志廖立字公淵或陵人為長水校尉後坐廢為民徙汶山  
死

又廖化一名淳字公儉先主假節為并州刺史陰平太守按



姜維將出兵軍右車騎將軍廖化曰兵不戢必自焚伯約之謂也是化又爲右車騎將軍矣

吳志將軍廖式殺臨賀太守嚴綱自稱平南將軍爲呂代所斬

五代史梁以盧延昌爲鎮南留後延昌表其將廖奕爲韶州刺史奕贛人也

陸游南唐書廖居素將樂人仕烈宗元宗之間爲人堅正不爲當國者所喜因校書二十年後主嗣位慷慨陳書冀一悟主不見聽乃閉戶卻食服衣輕冠立死手書字曰吾之死不

忍國亡也徐鉉爲文以此屈原

五代史高季興從子雲猛指揮使從嗣單騎造楚壁請與希範挑戰副指揮使廖匡齊出昇之門拉殺之匡齊贛人也

五代史後晉時楚王馬希範開天策府置十八學士內有廖匡圖按路振九國志載李鐸潘起曹稅李莊徐牧彭繼英裴顏何仲舉孟彖暉劉昭禹鄧懿文李和節蕭洙彭繼勳及拓拔恒李和皋廖匡圖徐仲雅十八人

見聞錄江南李氏凡人欲見先画象觀其妍醜廖克順面青江南謂之廖黯子由是嫌之不得入見



廖叔氏

風俗通古有廖叔安作左傳作飄

姓謹秦惠公時有廖叔翹

料 此姓諸書無今補

尸子料子貴別

肖

印藪漢肖安國肖招肖玉肖霄肖同俱陳留人按亦見集古

印謹

漢中志肖靖褒城人宣德中解元

甘肅志肖邦用明時文縣教諭

鈞

統謹宋鈞洪眉州人紹興進士按洪乃鈞姓凌氏誤

十九效

效 見姓苑

教 見姓苑

趙策教子效謂李兑曰趙畏橫之合也故欲効地于魏而聽

薛公公不如令主父以地資周最而請相之于魏

丹徒縣志教化南陽人進義校尉延祐七年任丹徒縣主簿



統謚教輔直永年人弘治中山西稷縣知縣

李文襄公之芳奏疏康熙時浙江按察使教化新

抄

陝西通志抄良翰高陵人萬厯舉人按抄一作鈔非是鈔與抄通非抄字也嘉慶時漢中府岳震川官中書與澍為石交其母抄氏也

徼 見辯證按此非姓宜刪

校 見姓謚路史

較氏此姓諸書無全補

渭南縣志較敬宗妻趙氏守節

劉寬碑陰門生名有城或令勃海東光校萌叔豫

辯證唐有校傑天寶中官河南士曹

縉紳錄成功縣訓導校作敬同州歲貢道光二年任

按本朝道光三年癸未科或進士校建堂河南人

校師氏見韻謚

校尉氏此姓諸書無全補

魏書和帝解甲大都護校尉虜帥部眾從烏丸校尉任賞擊

叛者封校尉虜為率眾王按此蓋以官為氏也如都尉之姓



孝 見風俗通

氏姓謚宋靖州知州孝發明有孝廉蒙陰人弘治中雞澤縣丞

豹 見風俗通

淖 見路史

山海經有淖子

國策齊將淖齒殺齊湣王擢其筋按晉五行志淖齒殺湣王日天雨血索隱云一作悼齒

戰國策齊明說卓滑按即淖滑

漢書景十三王傳趙王彭祖取江都易王寵姬王建所姦淖姬者甚愛之生一男號淖子時淖姬兄為漢宦者上召問淖子何如對曰為人多欲按鄭氏音卓王孫之卓蘇林云淖音泥淖師古曰蘇說是女教反

趙飛燕外傳漢宣帝時披香博士淖方成白髮教授宮中號淖夫人見趙飛燕及女弟入宮唾曰此甌水也滅火必矣



國



